

Bunde nahi sitaare
Tapake hai kahakashaa se
Sadake utar rahe hai
Tum par ye aasmaa se
Bunde nahi sitaare
Tapake hai kahakashaa se

Moti ke rang rut ke
Qatare damak rahe hai
Yaa reshami lato me
Bharatlyrics.com
Juganu chamak rahe hai
Aanchal me jaise bijali
Kaunde yahaan vahaan se
Sadake utar rahe hai
Tum par ye aasmaa se

Dekhe to koi aalam
Bhige se pairahan kaa
Paani me hai ye shulaa
Yaa nur hai badan kaa
Angadaai le rahe hai
Aramaa javaa javaa se
Sadake utar rahe hai
Tum par ye aasmaa se

Pahalu me aake mere
Kyaa chiz lag rahi ho
Baaho ke daayare me
Tasvir lag rahi ho
Hairaa hu ke tumako
Dekhun kahaan kahaan se
Sadake utar rahe hai
Tum par ye aasmaa se

Bunde nahi sitaare
Tapake hai kahakashaa se
Sadake utar rahe hai
Tum par ye aasmaa se
Bunde nahi sitaare

BHARAT
lyrics

Tapake hai kahkashaa se.

More Lyrics from [Saajan Ki Saheli \(1981\)](#)

BHARAT
lyrics